

810

203.5

6-98

280
974-ՇՐ



ԶՐԶԱՐԵՐԱԿԱՆ

այ.

Ա.Ռ.

ԱՌԱՋՆՈՐԴԱԿԱՆ ՓՈԽԱՆՈՐԴՍ

Ե.Ի.

Վ.ԵՐԱՏԵՍՈՒԶՍ

20350)

ԲԱՐԵԿԱՐԳՈՒԹԵԱՆ ԵԿԵՂԵՆԱՑ ՀԱՅՈՑ

ՏՓԻՒՍԻ ԵՒ ԹԵՄԻ ՆՈՐԻՆ:

2004

203.5
Ե-98

ԹԻՖԼԻՍ

Կովկասի կառավարչի Գլխ. կառավ. տպարանում

1884.

ԱՌԱՋՆՈՐԴ

Վ Ի Ճ Ա Կ Ի Ն Հ Ա Յ Ո Ց

ՎՐԱՍՏԱՆԻ ԿԻՄԵՐԻԹԻ

№ 204

՚ի 15 հոկտեմբերի 1884 ամի

՚ի Տ Փ Խ Ի Ս:

Փոխանորդաց մերոց և վերատեսչաց բարեկարգութեան եկեղեցեաց թեմիս:

Յաւ է ասել, որչափ ինչ բանք տրանջանաց և անբաւականութեանց յաճախեալ են առ մեզ ՚ի լրագիրս յամենայն նուագս ազգ. հոգեւոր ընտրութեանց ՚ի թեմիս, չասացուք և այլուր, իբր զանկանոնութեանց, տեղի գտելոց ի նոսա: Թողեալ զամացն անցելոց՝ յիշեսցուք զմերձագոյնն ժամանակաւ, զկատարեալն յայսմ ամի ՚ի 29 Յունվարի զընտրութիւնն երեսփոխանաց ժողովրդեան իւրաքանչիւր եկեղեցւոյ ՚ի գործ որոշման թեմական պատգամաւորի: Որչափ նիւթ խօսից և լրագրական առարկութեանց եղև այն՝ բացայայտ է ամենեցուն. և թէպէտև անհնարին է չնկատել ՚ի ցաւ սրտից մեր և բազմաց, զի յարձակիլ ՚ի տարապարտուց, անարգել անխնայար և առ դերևս ելս անձ-

նական հաշուոց և միտմանց զրպարտել անխտիր միջոցօք և բամբասել զիսկն և զիրաւն և զօրինաւորն տակաւ առ տակաւ 'ի վայելչութեան վերածին 'ի կարգ իրաւանց 'ի մերում ողբալի ժամանակի, յորում ըստ Առաքելոյն բանի նախանձ և դառնութիւն և հակառակութիւն սրտից պարծին սուտ առնել զճշմարտութիւնն, բայց և զայն ևս պարտ է խոստովանիլ, թէ արդարեւ՝ ընտրութիւնք առանց որոշեալ հրահանգի և սահմանեալ եղանակի մասնակցութեան ժողովրդեան, որչափ և զգուշաւոր ջանիւք կատարեսցին, չկարեն զերծ լինել ի մասնաւոր թերութեանց և 'ի շփոթութեանց. վասն որոյ առի բառնալ զառիթս անկարգութեանց, ըստ որում և անբաւականութեանց, սահմանեցաք վասն թեմիս զկանոնս զայսոսիկ, զորս և առաջադրեմք յանթերի կատարումն:

Ա.

Ըստ կանոնաց և բազմադարեան նուիրական սովորութեան Հայաստանեայց Առաքելական ս. եկեղեցւոյ ամենայն ազգային հոգեւոր ընտրութիւնք կատարին անխտիր մասնակցութեամբ հայ ժողովրդեան ամենայն դասակարգի. իսկ պահպանութիւն կարգաց օրինաւոր մասնակցութեան գործ է հոգեւոր իշխանութեան և պաշտօնէից նորին:

Բ.

Մասնակցութեամբ ժողովրդեան կատարին ընտրութիւնք թեմական պատգամաւորի, անդամոց հոգաբարձութեան հոգեւոր դպրոցաց, խնամատարութեան աղքատ ծխոց և ծխական խորհրդոց, եթէ իցեն, երեցփոխանաց և հաշուատեսաց

եկեղեցեաց և առհասարակ ամենայն պաշտօնէից 'ի պէտս հաստատութեանց ընդ տեսչութեամբ հոգեւոր իշխանութեան եղելոց:

Գ.

Վասն ամենայն ազգ. հոգեւոր ընտրութեանց 'ի քաղաքիս Տփլիսեաց ամսօրեայ աւուրբք յառաջ, ըստ կարգադրութեան թեմակալ Առաջնորդի, ծանուցանի յեկեղեցիս Հայոց և 'ի պարբերական թերթս 'ի գիտութիւն ժողովրդեան, իսկ 'ի գաւառական քաղաքս և գիւղորայս թեմիս ըստ կարգադրութեան Փոխանորդաց Առաջնորդի և վերատեսչաց բարեկարգութեան եկեղեցեաց:

Դ.

Յետ ծանուցման միաբան քահանայք իւրաքանչիւր եկեղեցւոյ փութան կազմել առանձինն առանձինն զցուցակս ծխոց իւրեանց *) և ներկայացուցանել յառաջնորդանիստ քաղաքիս՝ կարգելոյն յԱռաջնորդէ թեմիս Մասնաժողովոյ. իսկ 'ի գաւառական քաղաքս՝ Փոխանորդաց, վերատեսչաց բարեկարգութեան, կամ ցուցելոյն 'ի նոցանէ անձանց, ոլք վաւերացուցեալ զցուցական վերադարձուցանեն առ նոսա յաղագս համեմատութեանն ըստ Թ. յօդուածոյ:

Ե.

Եթէ պէտք իցեն, նաև տոմսակօք մարթէ հրաւիրել

*) Պատասխանատու վասն ճշտութեան անուանց և թուոց ծխոցն է ծխատէր քահանայն:

զծխականս յընտրութիւն, միայն ըստ կարգադրութեան հոգեւոր իշխանութեան:

Զ.

Ի նշանակեալն աւուր և ժամու ծխականք իւրաքանչիւր եկեղեցւոյ ժողովին յեկեղեցիս իւրեանց ի կատարել զընտրութիւն ժողովրդական երեսփոխանաց, Մասնակցութիւն ժամաւորաց միանգամայն արգելեալ լինի:

Է.

Յանդամոց իւրաքանչիւր անբաժան գերդաստանի մին միայն մասնակցէ ընտրութեանն:

Ը.

Ընտրող և ընտրելի չկարեն լինել նախ՝ որք տակաւին շարունակեն զուսմունս իւրեանց. երկրորդ՝ որք ըստ կարգադրութեան հոգ. ծայրագոյն կամ թեմական իշխանութեան մերժեալք են ի ծառայութենէ ընդ նոյն տեսչութեամբ, իրեւն փնասակարք իրաւանց և շահուց եկեղեցւոյ:

Թ.

Ի նշանակեալն աւուր յետ ժամերգութեանն, որք ի կոչն եկեալ են ծխականք ներկայանան ծխատէր քահանայից իւրեանց, որք համեմատեալ զանուանս և զազգանուանս նոցա ընդ վաւերացուցեալ ցուցակաց իւրեանց, ընթեռնուն ի լուր ամենեցուն. յետ այսորիկ՝ որք չունին զիրաւունս մասնակցու-

թեան յընտրութիւնն, եթէ չկամին մեկնիլ անտի, պարտին առանձնանալ ի մի վայր. և մնացեալքն մատչին ի գործ ընտրութեանն:

Ժ.

Ի դէպս որ և է ազգ. հոգեւոր ընտրութեանց ժողովրդականք իւրաքանչիւր եկեղեցւոյ Տփխիսի *) ընտրեն զերիս ներկայացուցիչս կամ երեսփոխանս, որք պարտին լինել միայն ի ծխականաց եկեղեցւոյ. ծուխ միոյ եկեղեցւոյ չկարէ ընտրիլ ներկայացուցիչ ծխոց այլ եկեղեցւոյ:

ԺԱ.

Ընտրութիւնդ այդ կատարի ի ներկայութեան քահանայից եկեղեցւոյ. ընտրողացն բաժանեն զթերթիկս թղթոյ, իրաւամբ նշանակելոյ իւրաքանչիւրումն զերիս անուանս. յետ որոյ ժողովելով զայնոսիկ, նախ համեմատեն զթերթիկսն ընդ թուոյ ընտրողաց, և ապա ընթեռնուն զնշանակեալ անուանս. առաջին երեք ստացողքն բազմութեան ձայնից համարին ընտրեալ երեսփոխանք ծխոց. և երկուքն յետ նոցա փոխանորդք, որք ի պահանջել հարկին ընուն զթիւ բացակայող երեսփոխանաց. և անմիջապէս կազմեալ զընտրողական թերթին՝ ստորագրեն և միաբան քահանայք և ընտրողք: Մինչև ցաւարտ ստորագրութեան ամենեցուն ոչ ոք ունի իրաւունս

*) Կուսանաց անապատն քաղաքիս չը համարի առանձին ծխական եկեղեցի, և քահանայ նորին է միաբան Մոզնոյ եկեղեցւոյ, յորոյ ի մատենան և նշանակէ զօրինակատարութիւնս իւր. վասնորոյ և յաւուրս ընտրութեանց ընդ ծխոց իւրոց ներկայ լինի ի նմին եկեղեցւոյ:

մեկնելոյ 'ի տեղեղէն: Ընտրութեանս նախագահէ աւագ կամ
ժամօրհնող քահանայն:

ԺԲ.

Յաւարտելն զստորագրութիւնն աւագ կամ ժամօրհ-
նող քահանայն ստանայ զընտրողական թերթն և զցուցակս
ծխոց իւրաքանչիւր քահանայի (զոր յետս ստացեալ իցէ 'ի
Մասնաժողովոյն, առ 'ի նշանակել զեկաւորս 'ի ծխոցն) և ընդ
ձեռն վերատեսչի բարեկարգութեան եկեղեցեաց քաղաքամա-
սին իւրոյ 'ի նմին իսկ աւուր առաքէ 'ի Մասնաժողովն 'ի
ներկայացուցանել թեմ: Առաջնորդին:

ԺԳ.

Ընտրեալ ներկայացուցիչք ժողովրդեան Տփլիսի 'ի նշա-
նակեալն աւուր ժողովին առ Առաջնորդն թեմիս և ընդ նո-
րուն նախագահութեամբ կատարեն, առ որ հրաւիրեալքն
են, զընտրութիւնն հոգաբարձուաց Ներսիսեան ազգ. հոգևոր
դպրոցի, թեմական պատգամաւորի *) կամ պաշտօնէից այլ
հաստատութեանց: 'ի ժողովին նոցա բաժանին ամենեցուն
թերթիկք թղթոյ. եթէ ընտրութիւն թեմ. պատգամաւորի
է 'ի նշանակել իւրաքանչիւրումն զմի անուն. յաւարտ որոյ
համեմատեալ զթերթիկսն ընդ թուոց ընտրողաց՝ ընթեռնուն
'ի ձայն գանուանս նշանակեալս, և առաջին չորս ստացողք
բազմութեան ձայնի ենթարկին զաղտնի քուէարկութեան. յո-
րոց առաջին բազմաձայնն համարի պատգամաւոր և երկրորդն
փոխանորդ, (կանդիտատ). իսկ եթէ հոգաբարձուաց է 'ի

*) 'ի գործ ընտրութեան թեմ. պատգամաւորի ընդ տփլիսեցոց
մասնակցեն և երեսփոխանք գաւառաւորնակ Հայոց, ըստ ժէ. յօդուածոյ:

նշանակել զերկոտասան անուանս և յետ կատարման համեմա-
տութեան ըստ վերջնոյն՝ վեշտասան ստացողք բազմութեան
ձայնից ենթարկին քուէարկութեան. յորոց առաջին երկոտա-
սանքն համարին հոգաբարձուք, և չորքն յետ նոցա—փոխա-
նորդք: Յընտրութիւնս այլ պաշտօնէից նշանակին անուանք
ըստ թուոյ անդամոց այնր հաստատութեան, ոյր վասն ըն-
տրութիւնն կատարի: Երեսփոխանք չե ևս ստորագրեալ
զթերթն չկարեն մեկնիլ 'ի բաց:

ԺԴ.

Նախ քան զքուէարկութիւնն հարցանի համաձայնու-
թիւն քուէարկելի անձանց:

ԺԵ.

Հոգաբարձու կարեն ընտրիլ թէ քահանայք և թէ աշ-
խարհականք, որք վայելեն զյարգանս և զվստահութիւն ժո-
ղովրդեան:

ԺԶ.

Որովհետեւ գաւառական քաղաքք թեմիս իւրաքանչիւրն
զմի կամ ոչ առաւել քան զերկուս և զերիս ունին եկեղեցիս,
ուստի վասն նոցա սահմանի յետադայս—Ուր մի եկեղեցի է,
ժողովրդականք հրաւիրեալք ըստ կարգի դ. յօդուածոյ կատա-
րեն զընտրութիւնն. իսկ ուր երկու կամ առաւել են եկեղե-
ցիք, ծխականք իւրաքանչիւր եկեղեցոյ ընտրեն զերկոտասան
ներկայացուցիչս ընդ նախագահութեամբ փոխանորդի Առաջ-
նորդի կամ վերատեսչի բարեկարգութեան եկեղեցեաց կամ
աւագ քահանայի, պահպանութեամբ Զ. Է. Բ. Թ. և ԺԱ.
յօդուածոց հրահանգիս:



— 10 —

ԺԷ.

Ընտրութեան թեմ. պատգամաւորի գաւառաւորակ ազգայինք առաքեն զերկուս երկուս ներկայացուցիչս ըստ տեղեաց հոգեւոր կառավարութեանց և վերատեսչաց բարեկարգութեան եկեղեցեաց, համաձայն կարգադրութեան թեմ. Առաջնորդի:

ԺԸ.

Ընտրութիւն երեցփոխանաց եկեղեցեաց կատարի համաձայն հրահանգին կազմելոյ 'ի Յանձնաժողովոյ Առաջնորդական յանձնարարութեանց, բացառութեամբ մասնակցութեան ժամաւորաց, որ յիշատակեալն է 'ի ծանօթութեան Գ. յօդուածոյ, և որ խափանի այսուհետեւ ըստ զօրութեան հրահանգին այսորիկ:

ԺԹ.

Յամենայն ընտրողական ժողովս զգուշաբար յարգի պահպանութիւն կարգի և վայելչութեան:

Ի.

Ընտրութիւնք օրինաւոր համարին միայն պահպանութեամբ վերոյգրեալ կանոնաց:

Ստորագրեաց Թեմակալ Առաջնորդ Հայոց Վրաստանի և Իմերէթի ԱՐԻՍՏԱԿԷՍ ԵՊԻՍԿՈՊՈՍ:

304

810

0024586



